

نشطاء يسخرون من الداخلية : بالأمس سنؤمن "بالآر بي جيه" واليوم نسينا مديرية أمن القاهرة



الجمعة 24 يناير 2014 12:01 م

نشطاء يسخرون من الداخلية : بالأمس سنؤمن "بالآر بي جيه" واليوم نسينا مديرية أمن القاهرة

وأضاف آخرون :

أبرز التعليقات على حدث تفجير مديرية أمن القاهرة

Shaimaa Okasha

مديرية تتفجر ماشي
إنما الأقسام حد يقرب منها في جرينوف وأسلحة ثقيلة !
وكالعاده ميعرفش يجيب اللي عمل التفجير فينزل يقتل المتظاهرين

Ahmed Elmansi

حملات التفتيش والكمائن الفترة الأخيرة كانت بتدور فالشنط وحتى اللابتوبات! عربية نقل مليانة متفجرات ماشية فوسط البلد للمديرية لحد ماتنفجر أزاى!

AlienZero

واجهت المتحف الإسلامي اتبهذلت والحرامي يقولك محتويته بالكامل اترمرت! يخربيتك! هيسرقوا المتحف ويبيعوه طبعاً!

Mohammad Abbas

و اذ فجأة بعد انقطاع عن التفجيرات تظهر مرة ثانية قبل يومين من اهم الايام .. و يكاد المريب يقول خذوني .. يا اخي في حد ماسك كتاب التاريخ بيقرأ فيه بالملي .. اللهم ارحم شهداء كنيسة القديسين في الاسكندرية و كل شهيد قتل غدرا

Asmaa Mahfouz

انفجار يحصل

الاقبي الاعلام بيعيط عشان جماعة الاخوان تبقى جماعة اراهيبية

الانفجار اللي بعده الاعلام يحشد الناس لنعم للدستور عشان نخلص من الارهابيين

الانفجار المرة دي الاعلام بيحشد لمسيرات تطالب السيسي للترشح عشان الامن والامان

طيب

Mahmoud Fouad

ما شاء الله التلفزيون عندنا على درجه كبيره جدا من الحس المخابراتي والامننى العالى اوى
بيقدر يقول من الى عمل تفجير اى حاجه قبل اى تحقيق او اى حد حتى يعلن مسؤليته عن الحادث
#مفوضين

Youssef Shibo

متهياي اول ما جماعة "انصار بيت المقدس " تصحي و تعرف الخبر ... هتعلن مسؤليتها عن الحادث .

Annos Anas

الأسطورة بتقول عشان عربية تقدر توصل لا location ده وفي الفجرية كده ملهاش غير حاجة من الأثنين ... يا إقا الكماين
إللي بنشوفها بعد الساعة 12 كل إللي فيها قراطيس ... يا إقا الإرهابي صايح قوي وكان مستخبي بالعربية جوه جراج المديرية نفسها
و خرج لهم سابق عكسي نهاركم لطيف

GhaDeer Ahmed

عشان تعرف مين الفاعل، دور ع المستفيد[]
#مصر_يامة_يا_هفية.

Wael Abbas

انا شخصيا لا قدر الله لو في معسكر السيسي او الفلول او نشطاء الانقلاب ها اطالب باقالة وزير الداخلية الفاشل فوراً !

Menna Saeed

مفيش عربية تقدر تقف قدام مديريةية الامن على فكرة !! قولو اى حاجة تانية اكثر اقناعاً غير دى الله يستركو ..

وزير الثقافة بعد ساعتين من انفجار القاهرة يعلن ان تكلفة ترميم المتحف الإسلامي : 107 مليون جنية .

شوف الدقة .. يا سلام عليكى يا حكومة 107 مش 106 ولا 108 لا 107 .. وبعدها بساعتين بس :

تقولش وزير ثقافة النمسا



يعني ايه ... امبارح أنشر صور تأمين
الأقسام بالأر بي جي والجريشوف والقناصة



والنهاردة أقولهم اية
معلش نسييت أمن مديرية الأمن؟!